

摘藻堂四庫全書薈要

史部

欽定四庫全書叢要

史部

硃批諭旨卷二十七上

詳校官編修臣繆晉



欽定四庫全書薈要卷七千九百十一

史部

硃批諭旨卷二十七上

硃批傅泰奏摺



雍正六年十一月初二日署理廣東巡撫印務臣  
傅泰謹

奏為奏

聞事竊臣蒙

聖恩署理廣東巡撫印務遵

旨於九月二十五日到任視事已經具疏

題報在案所有一切事宜現在逐一辦理分別應

題應

奏陸續入

告外臣自南雄入境經由韶州抵省一路查問收成年

景晚稻俱極豐熟廣州各縣有八九十分不等潮州各縣俱有十分惠肇高雷廉瓊等府各縣有九分十分不等韶州各縣有八九分不等南雄各縣

有七八九分不等羅定州各縣有八九分不等現今省城米價每石一兩二錢至一兩一錢有零南韶肇三府與省城價值相等惠潮瓊羅四府州俱每石九錢有零高雷廉三府俱七錢有零人民樂業地方寧靜誠恐上廛

聖懷謹將晚稻分數米糧價值繕摺奏

聞謹

奏

覽奏晚稻收成分數并米價情形深慰朕懷

同日又

奏為覆奏事竊臣於九月二十四日舟抵廣州各官

出郊恭請

聖安所有

頒給署布政使王士俊摺匣四個臣面交王士俊并宣  
傳

諭旨如有奏摺可送交大學士張廷玉轉奏王士俊即

叩首祇領訖又臣抵任後欽遵面奉

諭旨查得廣州府知府張鎬操守尚好但為人過於拘  
汝酌量調用可也通省道員朕已有旨命汝等審度人  
地相宜題請更調其詳加斟酌為之  
係省會之地事務殷繁似難勝任又欽遵  
公元不宜於遠省已有旨另用矣  
諭旨查得按察使公元於刑名事件亦頗熟諳但微覺

自恃已見性情時有偏執此二人近在省城時常  
相見今將臣訪察情形先行據實密

奏又欽遵面奉

諭旨訪得提臣王紹緒操守極好惟為人稍覺柔懦但  
提臣駐劄惠州距省三百餘里所聞恐不的確容  
臣再加察訪明白另行奏  
是聞又欽遵面奉

諭旨於十月十六日惠潮道樓儼來省臣即將所奉  
此人宣示樓儼叩首謝  
訓旨宣示樓儼叩首謝  
報實力供職自是好員但恐其不肯耳朕已降旨命伊  
恩十分感激又臣面奉  
署理按察司事同城就近留心體驗  
諭旨督撫以察吏安民為要臣至愚極拙膺此重任敢



不凜遵

聖訓時刻訪查但粵東地方遼濶通省屬員衆多聞見  
固宜不時訪查更須不被人言所惑明之一字從公字  
未確不敢輕率入  
生出方為真明勉之  
告容俟查看的實即行陸續奏

聞合併繕摺

奏覆謹

奏

覽

署理廣東巡撫印務臣傅泰通政使臣留保工部  
郎中臣喀爾紀善謹

奏為奏

聞事竊臣等奉

命前往廣東會同督臣孔毓珣查審阿克敦等各案欽  
遵面奉

諭旨留心察訪抵粵之日即聞前撫臣楊文乾所叅官  
達一案孔毓珣已將糧驛道何師儉署三水縣知

縣范禧

題叅訪其所叅之故因原出首之陳成元章燦林公  
官於廣州雷州二知府審時不知受何囑託忽然  
翻供從前首告官達事件俱係何師儉等指使孔  
毓珣即偏聽據供糾叅又聞官達係奉

旨革職嚴審之犯先於李長茂案內審明婪贓是實並  
不照例發監直至九月內接到楊文乾遺本所奉  
聖旨始於九月十六日將官達拘禁似屬徇庇然臣等

初到未悉事之原委不便驟定其是非及至會審時於阿克敦常賚二案尚無曲庇之處迨審李濱一案即云從前石禮哈常賚所審有從公之處今署布政使王謩署按察使尹繼善所審有屈抑之處等語臣等查對案卷供情毫無冤抑因照兩司原擬定稿具疏孔毓珣雖已列銜會

題而勉強之意見於詞色及審至官達一案則凡有干涉楊文乾之處必欲曲盡其詞凡有翻改之處

即欲錄供為據臣等細加諮訪乃知孔毓珣與楊文乾原不相睦及楊文乾故後遂有觀瞻偏徇之意是以有叅劾何師儉之舉嗣於十月十七日准到部文內開奉

上諭阿克敦官達等以楊文乾病故為快演戲開筵置酒稱慶聞孔毓珣不加約束甚屬無恥等因孔毓珣始覺惶恐畏懼雖楊文乾原叅各案未能預定虛實臣等惟知凜遵

聖訓從公審擬斷不使孔毓珣主持掣肘遂其私心今  
孔毓珣欽奉

訓飭或能翻然改悔去私從公亦未可知其現在所露  
意指臣等不敢隱匿謹先據實密

奏伏乞

皇上睿鑒謹

奏

所奏朕嘉悅覽之但傅泰與孔毓珣現在同省共事不

宜絲毫稍存芥蒂當務和衷為要此奏尤宜密之勿露  
果若推誠相與尚不感動徐徐再行據實奏聞況孔毓  
珣老成練達尚屬感恩小心奉職可取處頗多汝等須  
互相推誠勸勉莫負朕之倚任也

雍正六年十一月二十日署理廣東巡撫印務臣  
傅泰通政使臣留保工部郎中臣喀爾紀善謹

奏為密奏事雍正六年十月二十日接到怡親王大  
學士張廷玉等寄字內開奉

上諭羅定州知州楊廷翼原係楊文乾保舉之人聞其承審楊以寧之案過嚴今以詐贓被叅或楊廷翼實有其事或其中尚別有情由爾等寫信與傅泰留保喀爾紀善留心體察秉公審理欽此臣等即欽遵會同將楊廷翼等提齊審訊復加密訪楊廷翼並無詐贓之事反覆研鞫備得真情除將捏詞誣告之武舉彭士望等照例定擬具疏

題報外所有彭士望捏詞控告並督臣孔毓珣發司



審訊據詳

題叅情由合謹另單呈

覽至楊廷翼審無詐贓看其為人亦儘有上進勤勵之心但年少輕浮尚欠老成應否開復留任出自

聖恩合併聲明謹

奏

凡事惟貴秉公直陳不可絲毫迎合阿順若然則大悞矣

雍正六年十二月初十日署理廣東巡撫印務臣

傅泰謹

奏為覆奏事竊臣欽遵面奉

上諭於出京之日即悉心體察看得留保為人居心淳厚遇事謹慎一同赴粵於語言動靜間已得其大槩及抵廣州會審各案件其聽斷之際敬謹慎密並無偏私執拗之處且值案情龐雜供情反覆皆能按理推情次第剖析但因自幼讀書迂緩之氣

中材常人也  
未除倘蒙

皇上加以訓誨俾其迂緩漸消心胸開拓誠為

國家有用之材也至喀爾紀善為人見事尚能通曉  
用心亦復細密但資質器格皆覺褊淺而謹慎小  
心又其好處惟過於謹慎遂似有心居後不肯向  
居心不潔究係無用之物  
前誠如

聖諭指示者臣不敢為之隱諱也就臣愚見遵  
旨繕摺密

奏伏乞

皇上睿鑒謹

奏

覽

此奏可嘉足見觀人精細處

雍正七年二月二十四日署理廣東巡撫印務臣

傅泰謹

奏為奏請

聖裁事竊查粵省東莞等十一縣於雍正三年秋間被水奉

旨賑濟動用倉穀五萬八千三百餘石部議捐納監生補足又准部咨於海陽等六縣應增貯穀三十四萬石亦令收捐加貯查自開例至今止共捐過監生一百三十七名收過捐穀二萬四千九百餘石為數甚少因部議止令鄰近之江西湖廣廣西三省生俊各在本省買穀運送廣東交收蓋恐本省

購買復致穀價騰貴立法甚善但江西湖廣俱有山嶺阻隔惟廣西一省水路相通是以赴納寥寥臣愚以為別省買穀原期免使本省穀貴至捐納之人似可不必拘定省分況粵省生俊現往浙省捐監者甚多可否將原例畧廣其途照康熙五十年之例不論本省外省旗民皆准其赴捐仍令在鄰省採買穀石親運來粵取具賣穀地方官印結同繳仍嚴禁持銀來粵就近買穀及私收折價

以杜弊端如此畧為通融則輸納自多倉儲易充而懸案亦可速結矣是否可行伏乞

皇上睿鑒以便另行具疏請

旨遵行謹

奏

旗人遠至廣東捐納不合餘發該部議覆後酌定

同日又

奏為

只此題頭一語即可發一大笑  
請定事前預首給賞之法以靖盜源事竊查粵東依

山瀕海素稱多盜臣於抵任之後據各屬申報竊

刦之案甚多及解到親審其中積年慣賊為首糾

夥情罪可惡者固有之而一時貪昧被誘入夥者

覽奏

可謂庸愚之至為此小利尚敢明火執仗干犯功

亦有之且訊其所得所分竟有不過舊衣數件銅

令若

見大利更有何忌憚此等可謂真正頑民匪類所

錢幾百文米穀一二斗而明火執仗遂成刦案照

當切

齒者於此忽動憐憫之念是何肺腑朕殊不解

律問擬法無可寬計其贓數情又可憫查上年七

月內欽奉



上諭盜賊未經緝獲到官其中為首造意及殺傷人命之犯若自行陳首朕酌其情稍可原者量從寬減若

被人引誘迫脇跟隨為盜之犯自行出首則將伊應錯會朕意矣然在朕則可汝等奉命守土憑法制禁令得之罪悉行寬免欽此欽遵通行曉諭在案是我以綏靖地方乃任情法外施恩可乎殊屬荒謬之至況皇上法外殊恩矜憫無知反復開導予以自新雖古帝此不過欲完結前案暫行之法因是遂謂朕矜憫劫盜王三宥之仁無以過於此者臣身任封疆敢不嚴非井蛙之見而何緝姦宄綏靖地方但念此等匪徒無非愚民輾轉思維欲求一潛消默化之法以仰副

聖天子弭盜安民之至意臣愚以為惟有行令密首於未刦之前與擒捉於將刦之際則事主之財物可以無失而此輩之罹罪尚可從輕今擬設立預首給賞之法或可為消黨散夥之計蓋盜賊之心不過圖財行兇肆惡惟欲分贓今懸賞以待則一經出首既可得財又不獲罪雖下愚之人未有不知趨利而避害者從來盜賊搶刦必須糾合多人方得成事嗣後被糾同夥之人既令其前來出首又令其同示諭被糾同夥之人既令其前來出首又令其同如此

往行

其有是情理乎

其俟糾約已齊商定某日某時行劫某家將為首

及同夥各姓名開寫明白令本人之親屬密赴地

方官衙門固封投遞該地方官立即知會營汛帶

視同

兒戲真可謂大笑談

領兵役捕練前往附近之地分路埋伏并向兵役

說知出首之人姓名本人仍令隨夥偕行俟將上

衆盜

若將伊先行殺害如何解救  
盜之時兵役捕練四面圍截協力擒拏出首之人  
即喊報姓名以便照應分別免致誤有傷損解送

到官該州縣即時發銀五十兩給賞出首之人倘

本人從前曾有刼過別案亦准供明免罪其商謀

出海為盜者出首呈內開明約於某日某時在某

通篇

荒謬為汝代筆之人能不哂乎可謂無恥之極

擒獲

自應給賞倘臨期不來無人可擒將如何發放

時一體給賞其所獲各犯訊明起意同謀情節照

已行不得財之律從寬枷責免其羈禁押交族鄰

再犯

設被他人出首又照何律分別處分

保領約束再犯照律例重處并將保人究治如此

立法通行遍處示諭使之家喻戶曉不特出首得

得五十金

即能終身無患饑寒此等人尚甘為刼盜無

賞之人可以藉作工本終身無患饑寒即當場被

是理

也化盜為良未必如此之易何亂道至於此極擒夥黨亦得從寬發落猶可復為良民而正在商

梟首

謀約夥者聞此首報之法亦必彼此猜疑兩相顧慮因而畏懼中止不敢輕為糾合況必俟當場擒

奇論

糾合之舉亦未有素不相知一時入夥之理獲之後始行給賞亦不致有貪利挾嫌妄行混首

之弊庶於弭盜之法或可小補惟是給賞銀兩與

擒獲夥賊從寬發落之處未奉

若允

行所奏則天下人不笑汝而笑朕必議朕為大可

聖旨

不敢擅專為此繕摺奏

笑之

皇帝也似此贊襄政治幸祇一傳秦設直省督撫

聞其

給賞一項擬於司庫公費耗銀內動支是否可行

諸臣

咸如汝之識

見則民盜不息官盜之謗遍滿宇內

矣

皇上睿鑒施行謹

奏

觀爾憫恤刦盜其柔軟不必言矣請廣捐欸操守不可  
信矣為旗人開路受請託徇私情之意顯然矣似此光  
景豈為有用之成材耶

治術多端從未聞有賄買匪類不為盜之理似此則未  
行盜刦之人將作何獎賞耶假若誣陷平人如何防其

姦處分既輕夥同騙賞如何審其詐耶據奏將被首之  
犯押交族隣約束免其重罰則此被首者異日與出首  
之人豈肯干休不相仇訐耶被首此一次遂能保其改  
悔永不為匪耶種種差謬不能悉諭總之一蹈婦人之  
仁存好行小惠之念不但不能料理巖疆大省統率屬  
員識見日漸流於卑鄙淺狹即為旗下領催亦不能稱  
職矣觀爾景況將朕日前訓諭數月間已盡忘無遺奈  
何奈何

幸有一事可取奏朕候旨方行耳汝既具如此識見嗣後凡地方事宜絲毫必奏毋得擅便施行如少有專執隱匿之處朕則不汝貸也

同日又

奏為奏

聞事竊照粵東各府上歲禾稻豐收業經具摺奏

聞今歲入春以來雨水調勻寒暖得宜所有萊麥等項俱各茂盛各處米價仍前平減人民樂業地方救



寧因廣省距京路遙誠恐上厪

聖懷謹將現在情形據實陳明俟播種之後再行具

奏伏乞

睿鑒謹

奏

稂莠不除嘉禾不長觀爾胸存縱盜之心恐未必能感  
召

天和也朕甚憂之

同日又

奏為覆奏事竊臣前回奏廣州府知府張鎬等一摺

奉到

硃批遵查奉

劉運鮒人平常尚屬誠懇

旨補授糧驛道之劉運鮒及

陶正中于其珣二人恐蹈科甲陋習當留心試用如有

命往廣東酌量題補道員之陶正中于其珣俱未到粵

不妥協處即行奏聞莫令貽誤地方將此諭亦令伊二

俟伊等到日臣與孔毓珣遵

人知之旨於通省道員并將各知府細加酌量人地相宜定擬

具

題請

旨補授又樓儼於二月初九日已到按察使任臣自當

欽遵

諭旨留心體驗據實密

奏又臣奏凜遵

聖訓時刻訪查奉

硃批固宜不時訪查更湏不被人言所惑明之一字從

公字生出方為真明勉之欽此臣惟有謹遵

天語凡事不敢自專絲毫不敢苟且時刻訪察以廣耳  
操守要緊滿洲大臣於此每失顏面目之所未週勉奉公以補才力之所不及以期

勉盡職守仰副

委任於萬一耳為此恭繳

硃批謹

奏

覽

雍正七年三月二十九日署理廣東巡撫印務臣  
傅泰謹

奏為奏

聞事竊查粵東禾稻每歲有早晚二熟早稻應於三月  
中旬插蒔而種禾之際正需雨水今年入春以後  
雨澤及時每越十餘日即得滂沱大雨四郊霑足  
是以高低田畝盡獲播種且蓄水盈疇涵濡滋茂  
爾有前知之術能預卜豐收耶此等猖狂之語豈可於  
將來收成豐厚可以預卜各處米價現今平減值

君父之前率意亂言似此毫無敬慎之念朕轉為廣東  
此青黃未接之時民食無艱安心耕作老幼熙恬  
之雨賜憂矣

此皆仰藉

出語鄙俗之至朕屢訓不遵爾莫非聾聵耶  
皇上洪福遠庇之所致臣謹據實奏

聞恭慰

聖懷謹

奏

用爾此等人為巡撫朕心不期慰悅但冀爾等少減朕  
憂則亦可謂能盡人臣之誼矣

同日又

奏為奏

聞事竊照粵東素稱多盜而廣州府屬番禺縣之茭塘沙灣市橋等處尤為盜賊之藪歷年以來竊劫甚多懸案莫結臣細加確訪沙灣之內石碁村一處較之茭塘市橋為更甚捕役有技莫施若發兵勦捕又恐玉石不分今歲二月間臣與督臣孔毓珣從長斟酌遣撥文武官員帶領兵捕前往駐劄將

盜賊自首准予寬減免罪之

上諭出示遍貼伊等感激

天恩陸續自行投首者共有二百六十餘名現發布按  
二司訊明所犯事由分別輕重議定作何歸案治  
罪及安置約束之法俟議覆到日即具疏會

題外臣先將招到積盜緣由繕摺奏

聞謹

奏



朕前諭甚明傅泰巡撫粵東盜劫案件不可問矣

雍正七年四月二十四日署理廣東巡撫印務臣

傅泰謹

奏為遵

旨明白回奏事本年四月初三日廣州副都統臣吳如  
譯齋摺家人回粵捧到

欽頒摺匣一個臣即恭設香案叩頭開看內有

諭旨一道并副都統臣吳如譯奏摺四件臣跪誦之下

惶悚無地感愧靡寧伏念臣至愚極陋仰荷

聖恩署理廣東巡撫印務抵粵以來時慮耳目未周心思不到恐被屬員蒙蔽恐有查訪模糊以致利弊罔聞因革失當重負

聖天子委任之至意倘有旁觀者真知灼見明指是非俾得亟為悛改仰答

高深此臣之幸也今吳如譯陳

奏四摺其居心立論無非因地方民生起見但其間

有中弊之處亦有未悉原委止就傳聞而遽以入告者今奉

旨令臣明白回奏臣固不敢絲毫欺隱一字支飾亦不敢不將事之實情備細上達臣謹各條分析遵旨繕摺另行回

奏伏乞

皇上睿鑒施行謹

奏

此後再加留心察訪汝到粵未幾地方遼濶一切民情  
土俗吏治政刑何能洞悉無遺耶

同日又

奏為恭領

聖訓感謝

天恩事本年四月初七日准刑部咨內開雍正七年三  
月初六日內閣發出

紅本三十四件內一件署理廣東巡撫印務傳泰

題為請減煩瀆等事欽奉

皇上嚴旨并

諭令將原本擲還等因欽此咨行到臣臣跪讀

聖訓之下既切悚惶復深悔悟伏思我

皇上宵衣旰食日理萬幾

親覽章疏寒暑不輟此臣隨侍

禁廷素所深知者乃抵粵之後因見審結定擬監犯  
病故者舊例逐名具

題愚昧淺見以為定擬之犯似與初審之案有間遂  
以章疏滋繁恐瀆

聖聽妄請減省殊不知人命所關更宜慎重我

皇上勵精圖治

恩被萬方止期政務平允寧惜觀覽之煩臣之見識卑  
鄙不知大體越分瀆

奏罪實難逭乃蒙

高厚殊恩不即治罪將本擲還又復頒示

諭旨開導愚昧感激之深愈增惶懼臣惟有益殫駑駘  
時加黽勉以圖仰報

天恩於萬一所有感惕微忱謹繕摺恭

謝伏乞

皇上睿鑒謹

奏

凡似汝等庸材非過則不及務高遺細捨近求遠以致  
重輕顛倒無足怪者若逐件治罪亦不勝其處分且將

公私二字辨別清楚操守一節時加警惕其餘徐徐講求歷練將來或望有成若於此二者稍有不妥經朕覺察則莫冀更為姑容也

雍正七年六月初四日署理廣東巡撫印務臣傅泰謹

奏為奏

聞事竊照粵東今歲雨暘及時田禾茂盛先經奏聞在案今於五月二十五日以後雨水畧多廣西之水



東注所有三水高要等縣河道窄狹之處水漲數尺臣飛行該地方官將所轄圍基竭力培築日夜防守幸無衝決之患惟南海縣江浦司圍基坍塌數處亦即行令立時搶築堅固日內天已晴霽水勢漸退不致妨礙至近處早稻現將成熟大約收成各有八九十分不等統俟各府報齊再行具

奏各處米價自五錢四五分起至七八錢不等米糧平賤小民樂業今將圍基保護年景豐熟情形先

行據實奏

聞恭慰

聖懷謹

奏

欣悅覽之粵東米價每石賤至五錢幾分為從來所未聞但消長難憑低昂莫定又為粵東向來之常事也

雍正七年七月十九日署理廣東巡撫印務臣傅

泰謹

奏為密奏事竊照廣東學臣顧仔現在廣州府考試

忽有揭帖徧處粘貼內稱學臣專用積蠹何嘉賓

一切呈狀及歲考時列五等生員鑽提三等俱係

嘉賓播弄闕通衙內與學政之子三相公作弊膽

串舊稿房何國偉及羅濕眼等招搖包准茲廣州

科試蠹又稱三相公并內幕門路串同香山縣訓

導黃旒珊等攬封大縣每名銀一百五十兩中縣

每名銀一百二十兩小縣每名銀九十兩兼抄出

本童所作文字為信包管取錄招覆拆繳肆無忌憚真才蔽抑等語臣思匿名揭帖雖干例禁事之自然是虛朕可力保

虛實亦難遽信但關係考試未便任其沿街粘貼臣已令布政使廣州府密行確訪如果行賄有據設果有據自應糾劾但未有因粘貼揭帖遽行題參之即當另行參

理

奏如係棍徒捏揭亦必查出粘貼之人嚴加究處以遏刁風為此據實密

奏伏乞

睿鑒謹

奏

顧仔毫無瞻顧因循自為衆所嫉怨此必係不肖匪類  
誣捏所為務將匿名粘貼揭帖之人究出嚴加懲創具  
奏以聞

同日又

奏為奏

聞事竊照廣州府屬番禺縣之茭塘沙灣市橋石碁等

處素稱盜藪歷來搜捕編查未能淨絕根株即今年會同招撫其投首者不過十之三四其餘族大人多者仍復潛匿不出查茭塘沙灣各設有巡檢一員稽查而沙灣石碁市橋三處又各撥有都司千把總分防似可責成緝捕矣但微末弁員聲勢不能懾服以致姦徒仍然出沒臣思此四處距縣稍遠必須將文武大員移駐一員庶可彈壓臣隨檄行布按二司查議去後今據覆稱廣州所屬同

知通判共三員各有專司難以移駐惟查左翼鎮  
標左營遊擊現駐省城似可移駐茨塘責令督飭  
巡查但移駐武職係總督衙門事件除移咨督臣  
孔毓珣提臣王紹緒會商妥協并行司議定遊擊  
衙署營房作何建造會疏

題請外所有酌議移駐遊擊緣由合先奏  
聞伏乞

皇上睿鑒謹

奏

覽奏移駐遊擊情節與王紹緒所奏約畧相同候另降

諭旨

同日又

奏為覆奏事竊臣前奏奉

旨命往粵省各道員一摺奉

硃批陶正中于其珣二人恐蹈科甲陋習當留心試用  
如有不妥協處即行奏聞莫令貽悞地方將此諭亦



令伊二人知之欽此查陶正中現補糧驛道駐劄省城臣即傳到宣示

聖旨至肇高廉羅道于其珣於六月二十日因公來省臣亦將

聖諭宣示臣惟有敬遵

諭旨將二人居官行事時時訪察倘稍有不妥協處即行奏

聞以免貽悞地方所有宣過

聖諭緣由謹繕摺覆

奏并將

御批恭繳謹

奏

再三留意試看于其珣恐近下愚不移未必肯除盡因循袒比陋習而實心奉公任事也將此諭仍令二人知之若一時無因來省面見爾即密錄傳示伊等可也

同日又

奏為奏

聞事竊照春江協副將陳政先經署兩廣總督臣阿克敦以虛冒糧餉虐使兵卒怠玩哨巡等情

題叅奉

旨交與前撫臣楊文乾審擬經楊文乾審明定擬具題部議以陳政收過餉米銀兩俱貯中軍櫃內值月百隊取千把總認狀支用應公則該中軍百隊必係陳政用事之人顯有通同分肥情弊駁令另委

賢員遵照原叅詳審實情等因今據按察司審解前來臣覆加核審當日陳政議留名糧實俱為公務起見並無絲毫染指現有支銷細冊并兩營千把總領狀可查且據當日經手支發百隊字識人等衆口一詞代剖甚力查陳政雖屬因公起見但未經通詳立案即屬違例是以臣仍照前擬具疏題覆外合將審明實情繕摺奏

聞抑臣更有請者臣於審鞫之際細看陳政精力壯健

應對明白於營伍事宜頗覺熟諳臣又查其從前居官凡訓練兵弁巡緝地方皆稱勤慎盡職是陳政年力才具尚可為

國家出力似屬有用之材可否給咨令其赴京引

見聽候

聖裁謹

奏

此奏甚屬可嘉給咨陳政令其赴部引見可也

同日又

奏為奏

聞事竊廣東總督臣孔毓珣

題叅糧驛道何師儉署三水縣范禧違禁開礦縱集  
礦徒侵蝕銅價勒唆首告顛倒是非一案奉

旨交臣一併嚴審究擬具奏欽此臣查勒唆首告情節  
應歸叅革藩司官達案内審擬經臣會同

欽差臣留保喀爾紀善并督臣孔毓珣研審將何師儉

范禧各擬杖流具

題奉

旨依議欽遵在案其違禁開礦侵蝕銅價一案另案行  
司審詳去後隨准部咨奉

上諭何師儉及三水縣知縣范禧被叅之案傳聞亦有  
緣由著傅泰秉公確審毋令致有屈抑欽此茲據布  
按兩司詳解前來臣逐一親加研訊雍正五年分  
銅觔因原委辦銅之羅定州知州張安鼎病故何

師儉始行接辦所有帑價該知州前已發商何師儉並未經手其無侵蝕情弊固無庸再究矣至雍正六年分銅價何師儉俱照部價全數發給商人王國鼐廖芳式等取具領狀分頭採買師儉毫無侵蝕領銀各商與見領諸人異口同詞共為剖白至於商人廖芳式在惠州府屬之三壠竹墟市收買礦銅師儉稱並不知情固難深信但奉委辦銅若銅有遲悞價有缺少皆應罪坐師儉其商人領



銀採辦又豈能禁其不向有銅地方收買況糧驛  
道駐劄省城專管糧驛離挖礦之處甚遠議以失  
察似屬過當且歷查從前辦銅各官所辦解部之  
銅無不半出礦場乃云何師儉違禁開礦縱集礦  
徒不特師儉搶地呼冤即同案之人亦代為稱屈  
是以將何師儉免議具

題至臣審理何師儉兩案於官達案內法應擬罪固  
不敢絲毫輕縱至辦銅案內屢審並無別情臣亦

不敢因督臣所叅扶同故入除具疏

題報外謹將所審實情繕摺奏

聞伏乞

睿鑒謹

奏

覽奏已悉

汝叅奏謝希賢等二人之摺交部發該督察審此番汝所奏五事朕皆嘉許之能如此一一秉公據實入告方

為不負朕之任用也勉之

同日又

奏為恭謝

天恩事竊臣齎摺家人回粵捧到

御賜各種錠子藥一匣臣隨郊迎至署恭設香案望闕叩頭謝

恩祇領訖伏念臣叨荷

聖恩署理撫篆緣才庸識淺到任以來並未有一毫報

稱之處清夜捫心實滋悚惕乃蒙

恩賜遠頒臣跪領之下感懼交集惟有時時瞻仰刻刻  
儆心如對

天顏恍聆

諭訓益竭駑駘敬謹辦事以期仰報  
高厚於萬一理合繕摺奏

謝伏乞

皇上睿鑒謹

奏

於操守一節不能遵訓砥礪朕實愧覽汝之奏謝也

雍正七年閏七月十二日署理廣東巡撫印務臣

傅泰謹

奏為欽奉

上諭事雍正六年十二月初一日准吏部咨十月二十

二日內閣奉

上諭著京官大學士以下主事以上之漢軍漢人外官

督撫以下知縣以上之滿洲漢軍漢人每人各舉一人除現任知縣以上官員不必保舉外或係舉貢生監或係山林隱逸果有品行才猷可備任使者即親戚子弟亦不必引避嫌疑令內外各官皆得據實保舉欽此欽遵行文到臣臣自接部咨即於族黨親戚及平日認識之中逐一記憶或居心誠實而才力不及或才可辦事而人不端方實無深知篤信之人足備

如實無可保之人自不應孟浪濫舉倘少存避嫌遠疑  
朝廷任使者若冒昧濫舉不特非臣子以人事  
獨善自潔之意而遂巡退縮亦非人臣事君之道  
君之道亦有負

聖天子求賢輔治之至意矣又本年五月二十四日准  
吏部咨四月十八日內閣奉

上諭京官自學士侍郎以上外官自藩臬以上著各人  
密保一人將其人可勝督撫之任或可勝藩臬之任  
據實奏明不必拘定滿漢亦不必限定資格即府縣  
等員官階尚遠者果有真知灼見信其可任封疆大

僚亦准列於薦牘之內若一時無深知可舉之人容其從容採訪不得草率塞責有負諮詢特諭欽此臣奉

命署理撫篆時日未久大小屬員試驗未確不敢輕舉容臣再加查訪如果有可膺藩臬之任者自當遵旨奏

聞至臣在京時就愚見所知者惟有現任刑部侍郎海壽不過庸庸碌碌之人列於中材猶屬不及何堪保壽現任工部侍郎馬爾泰二人海壽在刑部時臣



薦耶

伊侍郎職分內事僅能竭蹶枝梧耳似此觀人具

何心

目殊屬可笑

昇以重任自必愈加敬勉奮勵圖報也至馬爾泰

馬爾

泰人原好本領力量皆可觀但其心險恐有才勝

於德

之疵只可暫時鉗制驅使將來加以琢磨歷練之

後或

可有非現今可傾心委託純良之器也且胸襟

命赴

甘肅查核軍需適馬爾泰亦奉

旨不

潤亦非封疆才品

赴安西鎮督修城垣路過肅州聽其言論行事較先

愈加老成諳練問其料理機宜無不慎重精詳且

其居心敬謹圖報甚殷倘蒙

皇上再加訓勉或堪為

國家有用之材緣奉

聖諭垂詢臣既有所知不敢不據實奏

聞至於督撫之任臣再四思維正為此慮不得其人奈所關甚重實非臣之庸

何

愚所敢妄為薦舉而簡用出自

宸衷亦非臣所敢輕為置議也臣謹繕摺密

奏伏乞

皇上睿鑒謹

奏

覽

同日又

奏為奏

聞事竊臣於上年十一月間欽遵面奉

諭旨將提臣王紹緒操守為人之處業經具摺覆

奏今半載以來臣復加密訪并察其所行事件外貌  
雖似柔軟及遇緊要有關係之處毫不寬假縱容

近日看來似乎勝任矣然以廣東省分而論猶覺過軟

而且居心誠實辦事敬謹督察官兵稽查水陸俱

遇便仍當勉勵之係殫心竭力是以兵民和輯營伍整齊實堪勝任

已經黜革矣至粵省總兵共有七員除廣州左翼鎮臣謝希賢

公行賄賂營伍廢弛之處先經具摺密

奏潮州一鎮現在缺員又南澳鎮臣許良彬韶州鎮

馬紀勲識見差些尚可造就之材陳倫炯但恐不肯仕

臣馬紀勲俱未相見及高州鎮臣陳倫炯雖曾一

怨耳

見未及久聚不敢輕議以上各鎮於營伍地方雖

無善績可稱亦皆相安無事統容臣再加密訪一

有的確見聞另行密

奏外所有碣石鎮臣蘇明良年力強壯黽勉居官事

蘇明良實好

事留心不遺餘力調度得宜兵民相安惟瓊州鎮

已降

旨更調矣但伊不應如是違員朕訓今左翼與爾

駐劄

地方相近可留心察訪秉公奏聞料伊斷不忍負

朕深

恩也或少年尚氣則有之是以每每與文員齟齬不

合瓊郡遠居海外必得老成持重之員方可鎮靜

彈壓施廷專於瓊郡地方似不相宜臣因地方關

係不敢避嫌隱諱謹據實密

奏恭候

睿鑒又臣欽奉

上諭探訪雲南廣西事宜臣隨密遣妥人前往細訪兩  
命大學士轉傳密諭之事當再四加意防範密行察訪  
省地方俱各安靜嗣後倘有見聞即當奏  
母稍疎忽亦不可令一人知覺風聲驚惶失措  
聞斷不敢以事屬隔省遂致膜視也合併聲明謹

奏

覽

同日又

奏為覆奏事竊臣欽遵去年面奉

上諭到任半載以來看得布政使王士俊才具練達辦

事勤敏於藩司之職頗稱勝任但觀其舉動言論

處事惟求是當自得自矜小疵何妨切母於此等處評

間似有自得自矜之意恐積久成習致流於疎畧

人如海壽可謂不矜不伐人矣一塊頑石何貴之有

事有出入亦未可定謹據實奏

聞至於樓儼近已奉

旨實授按察使感激

天恩報稱心切雖甚勉勵但刑名非

此語不確所素諳若於事簡

省分殫心料理尚可無悞廣東命盜甚多案牘甚  
但論其肯盡心與否耳未見樓儼不勝此任也至若精  
繁樓儼年已六旬以外疾病纏綿精力漸衰諸事  
力乃非勉強所能者果已衰邁諒伊非戀職悞公庸流  
不能周到是以糾錯遺漏經臣駁行改正者時時  
可比當自求退休暫時疾病則人所時有旋即痊愈何  
有之臣因邊海要區刑名綦重不敢代為隱瞞致  
必遽然議調耶  
悞政事倘蒙

皇上特簡賢員補授廣東按察使將樓儼另行調補則  
於地方官民均有裨益矣臣為公務起見冒昧密  
奏伏乞



皇上睿鑒施行謹

奏

覽

同日又

奏為奏

聞事竊照廣州府屬番禺縣茭塘地方素稱賊藪而李士雄即李亞豹一犯係茭塘市橋石碁一帶積年大盜黨羽甚多犯案累累實為渠魁今春臣與督

臣孔毓珣遣撥官兵前往搜捕招撫雖已招出二百六十餘人俱係夥盜其首盜李士雄及慣賊李亞贊等堅匿不出究未弋獲今有署番禺縣事試

用知縣龐嶼辦事勤慎留心緝盜到任後因此案

龐嶼

可嘉之至當以緊要同知缺題補

大盜未獲遂奮不顧身晝夜不遑惟以捕賊為念

購線懸賞無不舉行先將李亞贊之親叔誘捕到案令其潛往哄引各盜投首旋據李亞贊李國強胡亞三投首前來并自願將李士雄擒獻贖罪等

情龐嶼即准其擒解首報去後今於閏七月初一日果據李亞贊等擒獲李士雄解報到縣臣查李士雄與李亞贊等所犯案件甚多論其情罪均係法所難寬之犯但李士雄於各犯之中又為最重今李亞贊等既將士雄擒解贖罪似與供出盜首即行拏獲之例相符應否援減除行司細查歷年案卷逐一訊明擬議到日另行具

應如  
是  
題請

旨外今將誘擒積年大盜緣由先行繕摺奏

聞謹

奏

緝盜當以察拏窩家為要此乃弭盜根本不可少有疎縱觀汝於盜案一節識見偏於柔懦若復似阿克敦常賚將積盜窩主開脫自以為積陰功則大悞矣前汝在京時朕以刑名事件惟當務一平字諄諄訓諭何啻千百次若不能領會遵承則是愚頑不醒之人即於爾到

任後摺內批諭更復不少倘仍見不透是誠無用之材  
矣勉之母忽再者朕之硃批訓旨汝往往竟不覆奏是  
何理耶向後接到一切批諭當總具一摺一一登答回  
奏為此特諭

同日又

奏為海關交代已竣奏明羨餘實數事竊臣兼理粵  
海關稅務自上年九月內到任至十二月止即屆  
一年報滿之期臣已將前官及臣接任所收正稅

贏餘俱已具疏

題報又分頭擔頭一項及行家繳送先收一半一項俱已另具批文解送戶部轉解

內庫訖又臣將各書吏及各口巡役向來收用陋規令其儘收儘報除酌給飯食紙筆贍家使費之外尚餘節省銀一萬零二兩又在分擔及行家繳送之外未經請

旨不敢遽解戶部且因粵海關事務交代在即則自上

年十二月二十四日以後又有各書役繳報者是  
以先經

奏明統俟祖秉圭到任之後交代清楚再將陸續所  
收各項彙齊解送怡親王請

旨查收在案今查自上年十二月二十四日起至今年  
四月十一日卸事止所有收過正稅贏餘及分頭  
擔頭等項銀兩俱已發貯藩庫取有庫收移送監  
督臣祖秉圭於一年滿日分別

題報起解外又據各口巡役陸續繳報節省銀二千五百七十四兩零連前節省銀一萬零二兩共一萬二千五百七十六兩零一併解送怡親王聽候代奏請

旨以便交收至上年各行家應繳未交銀九千六百四十兩原約在今年九月間繳足臣已將各結狀移送祖秉圭照數查收彙解合併聲明謹

奏



祖秉圭乃游移活動未可深信人也自其到任以來居  
心行事若何留意體察據實奏聞



硃批諭旨卷二十七上



總校官庶吉士臣侍朝

校對官編修臣馬啟泰

謄錄監生臣孫大森

欽定四庫全書薈要

史部

硃批諭旨卷二十七下

詳校官編修臣繆晉




欽定四庫全書薈要卷七千九百十二

史部

硃批諭旨卷二十七下

硃批傅泰奏摺

  
雍正七年八月初六日署理廣東巡撫印務臣傅泰謹

奏為奏請

恩賜試用人員以收實效事竊查粵省所屬十府二州八十五州縣地方遼遠如東之潮屬去省二千餘

里西之廉屬去省一千八百餘里往返動以月計  
且瓊屬僻在海外風信更無定期查從前奉

旨命往試用委署知縣者共有十八人以知縣以下試  
用者共有十二人現俱分別委署如遇知縣不敷  
委用并間於知縣以下人員內擇其才力優者借  
署縣事然接署卸事必有經手錢糧倉穀造冊交  
盤其中稽核出結非數月不能竣事是以再有缺  
出便無可委之人勢必仍令隣縣署理第恐鞭長

莫及兼顧為難臣為地方起見叩懇

皇上敕部將現在候選候補之知州知縣揀選引

見再

命一二十員來粵隨時委用庶篆無兼攝缺無懸待於  
地方公務實有裨益不致遲悞矣為此繕摺

奏請伏乞

皇上睿鑒施行謹

奏

候揀選得人時多發數員前來數爾任用

同日又

奏為奏

聞事竊照廣肇一帶本年閏七月初八日颶風頓發自  
午時起至戌時止又於初九日自寅時起至巳時  
止民間房屋瓦片間被吹去河下船隻亦有擊傷  
幸無猛雨急流是以人口田禾俱未傷損詢之土  
人皆云近海之地颶風每年常有若無驟雨便無



妨礙而窮民房屋或有被風吹損者臣隨行令各  
地方官加意撫恤不致失所外此雖並未成災但  
關係地方之事臣不敢不據實奏

聞伏乞

皇上睿鑒謹

奏

粵省颶風間歲每有之事查明被傷居民實力撫恤俾  
毋致失所

同日又

奏為奏請

聖示以裕鼓鑄事竊照粵東收買黃銅器皿設局鼓鑄  
一事布政使王士俊繕摺具奏奉

硃批交部議奏候旨遵行如將解部銅觔留為粵省鼓  
鑄何不經之論至於此極欽此嗣准部議粵東去雲  
南尚近今雲南又開濬水道廣東若於滇省採買  
銅觔由廣西而下所費水脚無多應令王士俊詳

加確訪以定粵省開鑄之事等因奉

旨依議欽此移咨到臣隨經轉行遵照去後旋據王士

俊詳稱遵即差家人前往雲南訪得雲南水道雖

本省

之銅既不敷鼓鑄則可中止未有專向隣省買銅

經開濬舟楫難以驟通又訪得滇省客銅每攜至

開局

之理果隣省銅多何如即令廣西開爐多鑄錢文

廣西百色地方發賣況廣西現在開礦獲銅必多

發至廣東應用耶議論殊屬不通之至

議即委員齎價赴買銅觔運回鼓鑄等因現經臣

咨明戶部在案俟百色地方倘果買有銅觔臣即

酌定鼓鑄事宜設局處所具疏

題請開鑄外臣又訪得惠州府屬向有礦徒私挖銅  
勛從前原賣與本省及別省辦銅官湊同解部自  
去年督臣孔毓珣將辦銅之糧驛道何師儉糾叅  
之後辦銅官不敢赴買而收銅客商遂將銅勛私  
並未命汝尅期開爐鼓鑄也乃如此急速亂行不知汝  
行藏匿不敢出售臣思鼓鑄正在需銅若任其藏  
具何意見

匿不為示買乃以有用之物置之無用之地似覺  
可惜但原係礦銅若不

奏明請

旨不敢私向購買可否容臣出示曉諭令將從前創挖可笑之極

煎成之銅許其赴官繳出按照成色給價以供鼓鑄至有礦各山仍行嚴禁不許藉名收銅混行偷挖如此則現在之銅不致久匿在山之礦仍禁私創於公事似有裨益是否可行伏乞

皇上睿鑒施行謹

奏

似此識見奈何奈何

雍正七年九月十九日廣東總督臣郝玉麟署理

廣東巡撫印務臣傅泰謹

奏為奏

聞事本年九月十七日布政使王士俊詳稱據惠州府  
詳據河源縣申稱本年八月初五日據闔邑士民  
張華賢等為呈報嘉禾事竊賢等生長嶺南僻處  
海疆叨蒙

皇上恩膏疊沛比年以來歲獲屢登固已含哺鼓腹羣

安耕鑿之風今逢嘉禾叢生實為目所罕見皆我  
皇上惠愛元元感召

天和所致呈請轉詳并將嘉禾送驗前來據此合將嘉禾  
呈驗等因由府詳司轉詳到臣等臣郝玉麟在省  
盤查隨將送到嘉禾會同在省各官敬謹觀看共  
有四十八本內一莖二穗者一十四本一莖三穗  
者二十本一莖四穗者一十二本一莖五穗者二  
本據省城士民老幼環繞觀看歡呼雷動咸稱

皇上愛養百姓

至德感孚所以嘉禾呈瑞是乃粵省萬年豐亨之兆海隅萬姓永受無疆之慶等語臣等因雍正五年十月內奉有停止進獻嘉禾之

旨是以未敢遽行具

題進獻今將送到嘉禾發交布政使加意收藏外伏查惠郡濱海之區屢獲豐登米價平減已為從來所罕見今嘉禾徧發更屬希聞臣等目睹麻徵曷



勝踴躍歡忭所有恭逢瑞穀粵省士民感激慶幸  
情形不敢壅於

上聞理合會摺奏

聞伏乞

睿鑒謹

奏

朕欣悅覽焉但不可絲毫肆志當愈加寅畏期以誠敬  
之念格

天忠愛之懷圖治大公之道馭屬員威惠之術撫兵民汝等封疆大吏能似此居心朕可力保

上天年年歲歲賜如是嘉應也莫謂水旱為世間必應有之事概委之氣數使然若稍存此等念慮乃不明

天理之庸流曷可與論人道試觀鄂爾泰田文鏡等所轄地方之感召徵驗亦當信心奮勉向有粵東人稠地狹豐年亦必資隣省之論朕每言無是理今蒙

上蒼慈眷甫獲豐熟二載米價便更賤於他省可見謬論

之不足憑也如此乘茲樂歲廣收竭力訓導閭閻愚氓  
加意蓋藏珍重穀粟不可少致狼戾以招暴殄之咎勉  
之敬之

同日又

奏為請留能員仰祈

睿鑒事竊臣等荷蒙

聖恩均受封疆重寄欽遵

訓旨無日不以吏治民生為事茲有韶州府知府陳鴻

熙年力富強辦事敏練且久任海疆熟悉風土現  
今報丁父憂前來臣等查得韶州一府實屬粵省  
衝繁之地該守董率屬員料理地方事務著有成  
效委係能員懇祈

皇上天恩准其留任守制於地方實有裨益臣等為地  
方得人起見除會疏具

題外謹繕摺會奏請

旨定奪伏乞

皇上睿鑒批示遵行謹

奏

具題到日有旨但聞陳鴻熙蒙朕連次拔擢至此任遂覺志氣盈滿狂妄時作間嘗將督撫皆任意呼名不似從前敬慎汝等既經保留在任當切加訓誡勗其遷改將此旨亦傳諭令伊知之

有人奏汝新點粵海關書辦陳炳文等五名每名收受銀三百兩方准入冊著役庫吏周瑛經手送繳等語汝

此意何居操守二字實難朕經屢諭勉力堅持以全滿洲大臣顏面汝乃竟不遵承以此為巧取無礙殊不知小貪不戒必漸至大貪不法而後已且天下從無巧事未有明獲廉稱而暗得賄賂名實兼收之理如此欺心負朕行當有意外取辱之事至矣與其愧恨於後何如於根本處戒慎以自勵自勉耶似此奈何奈何

署理廣東巡撫印務臣傅泰謹

奏為欽奉

諭旨據實覆奏事本年九月初四日臣齎摺家人回粵  
捧到

硃筆諭旨一道臣跪讀之下驚悚無地感愧交集伏查  
粵海關頂充書吏向例每名有花紅銀三百兩以  
作公費臣到任之後陸續查革犯事及重役共五  
名至頂充時據伊等每名照繳銀三百兩臣識見  
卑鄙以為各書吏自願繳送愚昧因循未經裁革  
咎實難辭今蒙

皇上不加處分

恩賜訓飭臣捧誦之下不勝驚懼惟有恪遵

聖諭痛自咎責立即悛改今粵海關已遵

旨歸監督管理臣現在所管太平關凡書吏頂充舊例

每名亦有花紅銀二百四十兩臣任內止收過一

名銀兩已彙入節省項內報解嗣後益當砥礪廉

隅凡有陋規未盡革除者一概革除斷不敢再存

鄙念致厘



睿慮臣謹據實覆

奏并將奉到

硃批恭繳謹

奏

但務本莫逐末若事事皆待朕指示訓誡而後改易反之於心能無愧乎即凡此等相沿陋規小利亦當奏明請旨然後收受嗣後若再有絲毫隱蔽將來必大為己累將朕此諭切誌毋忘莫貽噬臍之悔

同日又

奏為奏

聞事竊照今歲粵東晚禾茂盛先經臣

奏明在案目下將值收穫之時其收成分數容俟各屬報齊查明的確另行

奏報至各府米價每石自七錢二三分至五錢三四分不等較之早禾收穫之後更覺平減當此豐年臣惟有恪遵

聖訓通行曉諭更加撙節多方蓄儲并移行沿海文武  
官弁嚴禁販運出洋俾米穀充裕得以長享盈寧  
之慶理合據實奏

聞謹

奏

嚴禁出洋於此米價平減時尤為切要此舉好實力行  
之

同日又

奏為奏

聞事竊照粵東沿海漁船經前督臣孔毓珣前撫臣楊  
文乾會議立法具摺

奏明通飭編查造報在案今查粵東大小漁船向雖  
飭催造冊而各屬有已經造送者有未經造送者  
亦有雖曾造送而其中有拆改遭風年久朽爛未  
經開除者又有新造船隻未經入冊者按冊而稽  
難得確數照名問船又多詭頂冊內既無的名則

事發之日澳甲船總皆得高下其手任意賄改弊  
竇叢生不可枚舉臣於五月間專委惠潮道劉運  
鮒親往惠潮兩府沿海各縣港口將所有大小漁  
船逐一編查挨甲給照取結繳核去後今據造送  
兩府各冊前來嗣後若續有拆改朽爛及新造者  
即時申報補登入冊如此徹底清查倘有事發便  
可按冊而稽澳甲人等既難作姦舞弊姦宄之徒  
亦難僥倖漏網矣至廣州府屬沿海各縣因廣南

劉運

韶道現在委辦楠木不能分身前往是以臣即委

劉運

鮒未必能膺此委任稽查嚴明以收成效也

劉運

鮒往查務使毫無遺漏仍嚴飭各該地方官

就近不時查點加意督察毋得先勤後怠毋許胥

吏作姦以期弊絕風清民安盜息所有臣委員確

查沿海漁船數目船戶的名緣由理合繕摺奏

聞謹

奏

好湏力行以期實效莫止於章奏美觀而行不符言則

是因圖功而反獲罪也

同日又

奏為敬宣

諭旨據情覆奏事竊臣前回奏糧驛道陶正中肇高廉  
羅道于其珣宣過

諭旨緣由一摺奉到

硃批查陶正中係駐劄省城于其珣因充文闈監試亦  
在省城臣隨將二人傳到密將

聖諭宣示二人皆免冠叩首據陶正中奏稱臣累蒙

皇上訓誡提撕

諭伊於內外如一處加勉少若匿情自飾即屬欺詐恩旨深切臣惟有日夜敬凜黽勉報稱倘有一毫因循

袒比之私難逃

上天所是者惟表裏渾融之人禍福感召在誠與偽耳此聖明照鑒臣實萬萬不敢懇求轉

理不明難言為入之道奏等語又據于其珣奏稱臣蒙

皇上天恩宥過任使銘感蟻忱實難圖報今復奉

聖諭教訓臣雖至愚安敢仍蹈袒比因循陋習自負生



成惟有竭盡駘實心任事仰遵

聖訓稍報

天恩懇求轉

奏等語除臣欽遵

聖諭再加留心試看外所有宣過

諭旨及陶正中于其珣覆奏緣由先行錄

奏又粵東道員糧驛及巡道共有五缺內雷瓊道王

王璠實好

璠在粵年久土俗民情甚為熟悉於海外地方相

宜至糧驛道陶正中臣先次回

奏摺內奉有

硃批其陶正中三字并奉

御筆硃圈臣即加意留心試看適因該員駐劄省城時  
亦不可止據外貌而不詳察其心行也  
以公務進見看其氣質凝重品格端嚴殊非尋常

稱職可比惟在語言之間覺其於重大事情似乎  
非不熟諳此正內不端凝之故  
未能熟諳歷練日淺識見似未老到及鄉試入闈

共事一月細看其辦事誠實小心勤敏乃欽服我

若將朕之評論預橫於胸而觀人又大悞矣明試以功  
皇上聖明衡鑑絲毫不爽實非臣等所能仰望萬一今  
再看

就臣愚見所及若令陶正中經歷大事諳悉規矩  
皇上賜之

訓諭試習疑難則鎔冶琢磨將來不止司道之職實可  
斯言過矣陶正中非出格大才  
成有用之器但知人非易容臣再加明試暗訪另

行密奏以候

聖裁廣南韶道李可淳居官謹飭辦事慎重操守立心  
此人好大有可望

俱屬稱職充其才能似可勝兩司之任但謹慎太  
非也山

左習氣

如此試用再看

過諸事矜持外貌觀之似有退縮不前之意然感

激

天恩上進有志倘邀

朕何能令人展拓心胸耶

皇上加以訓飭俾其展拓心胸便可成有用之才矣肇

高廉羅道于其珣謹慎有餘辦事不足或因才識

斯語

不然正其巧猾不實處非係才識短淺也不過但

短淺或係自守太過今奉

知潔

已而不奉公之流若果才力不及乃八法之一更

聖諭訓勉

臣當細加察看俟將來作何居官辦事另行

不堪用矣

奏

劉運鮒乃庸常人中材也  
聞惠潮道劉運鮒年力強壯似可望其奮勉但歷任未

久政務未諳臣現在委其查勘各事使之學習歷  
練如果不辭勞苦熟習幹練便可為

國家出力以報

皇恩矣再有鹽運使黃文煒雖止管理鹽務因與臣同  
係上好之員已有旨命其署臬篆矣

在一城時加察看其為人稟性頗直自顧顏面辦  
事實心不肯扶同且於鹽庫錢糧十分慎重似屬  
可用之才臣因道員有稽查表率之責甚有關係

所有就臣察看各員居官情形謹據實附

奏伏乞

睿鑒謹

奏

覽

雍正七年十月二十八日署理廣東巡撫印務臣

傅泰謹

奏為請

旨事竊查雍正二年五月內欽奉

上諭設立普濟堂經前任撫臣年希堯建設將老疾無

依之人收養棲息至於堂內日給費用從前年希

堯兼管粵海關稅時查知洋船來粵買貨有每兩

分頭銀五釐又每船一隻進口有放關規禮銀一

百三十二兩向為左翼鎮等衙門規禮年希堯將

此項銀兩撥入普濟堂應用歷任相因已經六載

茲海關監督臣祖秉圭諭令通事將此項銀兩繳

貯闕庫迨廣州府將前項情由具詳祖秉圭批云  
養濟孤貧事隸有司非本監督所能定奪等因今  
據布按二司詳稱堂內現收貧老三百五十八名  
日給柴米鹽菜及董事人役工食置買各老人冬  
衣等項每年約共銀一千八百餘兩全藉此洋船  
銀兩支應若悉繳闕庫則普濟堂老民嗷嗷乏食  
恐非

皇上軫恤貧老之至意等因前來臣查祖秉圭諭闕



庫雖為慎重錢糧起見但普濟堂費無所出臣查  
此項分頭并放關銀兩原係左翼鎮衙門陋規並  
自當仍舊留用何須奏請  
非關稅內之項可否仍留普濟堂應用免其繳貯  
關庫臣未敢擅便謹具摺奏

請伏乞

皇上睿鑒施行謹

奏

將祖秉圭厲色叱辱之傳旨與伊觀此一事其負朕之

念毫未改悔也小心保全首領為要

同日又

奏為敬陳末議恭請

睿裁事本年十月初十日接准部咨議覆大學士臣陳  
元龍條奏貼黃內要語未詳等因經部議覆令督  
撫諸臣凡本後貼黃務融會全疏之始末節其繁  
冗擇其緊要遴選善書之人照部本式繕寫務期  
字畫端楷明朗字行疎密得宜如有題奏本章其

貼黃草率刪節以致事不詳明或字畫細小微茫  
或字行疎密任意即照違式例分別議處等因奉  
旨依議欽此臣遵將一應本章貼黃加意料理外伏查  
本後貼黃向例用半幅紙密行書寫難以披閱於  
雍正三年正月十九日經內閣

奏請言詞繁多者俱令用整幅書寫言詞甚少者仍  
令用半幅書寫奉

旨依議欽遵在案惟思題奏章疏原以通本情節總敘

看語又以看語情節摘敘貼黃雖言詞繁多者已  
經奉

旨改用整幅書寫但行數雖可加增而字數每行仍止  
二十格遇有情節繁冗之案看語敘至七八幅者  
一經節刪頗多晦滯難明殊非恪恭敬謹之道況  
貼黃於看語中摘出不得於看語之外另添一字  
是以偶遇節刪接續之處竟有文義不能貫串者  
欲其情節顯亮又不得不多敘數語以期明爽遂

致行數增密字數仍多

御覽之下甚覺徒費目力而貼黃拘於成例究於案情不能顯亮臣愚以為貼黃之外請將全疏緊要情節另行統摘情由用整幅紙繕寫以十二行為率夾入貼黃之後恭呈

御覽其摘敘事由不必照看語內字句止就本案情節簡明直敘則

睿鑒之下一目了然既於貼黃體制無礙而字大行疏

亦不致上費

聖心過勞目力矣謹將現

題疏看摘敘一式繕寫進

呈是否可行并應否具題請

旨伏乞

皇上睿鑒批示遵行謹

奏

汝乃中等材質朕因封疆重任一時不得其人姑將就

試用之似此通行事件應徐徐仿效歷練老成同輩督撫踵而行之既無超羣出衆之能於本分內事尚多不能辦理何暇旁及於此況議論皆屬可笑一邊據奏於貼黃之外另行統摘情由繕寫呈覽等語既慮朕披覽繁冗而復多增一層是何意見耶若欲朕止閱統摘情由則貼黃竟為虛設又何必繕寫入疏耶且從來滿本專譯貼黃今則將譯一廢一耶抑概行翻譯耶似此自相矛盾強不知以為知朕實代汝愧之凡人深知己之

不及猶可冀望將來造詣似此自是自得朕實又代汝  
憂之奈何奈何幸係密摺具奏設若具疏題達亦如彙  
報監斃人犯一例之事重自取辱矣

同日又

奏為覆奏事本年九月十四日接到大學士公馬爾  
賽等來字內開八月十二日奉

上諭聞得江南福建廣東及浙江之杭嘉湖三府有匪  
類結黨潛謀為匪其為首者係江寧人各處用銀結



納等語爾等可密寄信與傅泰令其密密留心整飭營伍預為防範但不可聲張滋擾若江浙有文知會時或有查拏同黨之人即便作速緝拏務須嚴密勿令一人兔脫欽此臣即一面密遣的當人役潛往福建江西湖廣各交界處所暗暗查訪并借別項公務遣人往浙江江南密探蹤跡一面加意留心操

練兵馬整飭營伍預為防範惟候江浙等省或有李衛時繹處如有緝犯咨文即迅速嚴密查拏解送文知會應作何料理即當小心協力或有應拏之

母得絲毫人自當選差幹員按名拏獲不令一人免脫外茲有干係也慎之

查粵東各屬地方現在安靜並無匪類行蹤亦無絲毫聲息然臣不敢因無聲息遂爾忽視除現在留心訪察若果有可疑之事立即設法嚴拏一面據實飛

奏斷不敢一毫疎忽亦不敢洩漏聲張以致滋擾也再臣於十月初十日又接大學士公馬爾賽等來字內開為羅教一案欽奉

密諭等因到臣欽此欽遵辦理并即轉飭州縣實力奉  
行倘有拏獲報解者臣當與藩臬二司酌其情罪  
輕重將生事倡首者嚴行解部將無知附和者量  
為寬減統於疏內聲明請  
既自云密諭而復欲於疏內聲明是何意見耶  
旨定奪所有奉到  
密諭及奉行緣由先行繕摺覆

奏伏乞

皇上睿鑒謹

奏

覽

同日又

奏為奏

聞事竊照粵東晚稻收成據布政使王士俊呈報十府  
二州屬惟南雄府屬收成統計有八分其餘各府  
州屬收成均有九分十分不等各屬米價每石自  
七錢至五錢六七分不等等因前來臣查米穀為

民食之本今幸遇豐登正宜加意儲蓄臣身任地方惟有諄諭屬員敬謹民事勸諭百姓撙節愛惜毋得糜費並行布按兩司嚴禁棍徒囤積射利外所有晚稻收成分數及現在米糧價值臣謹據實奏

聞謹

奏

導民務本原係第一要政然徒為紙上虛文而不實力

督率屬員奉行亦復何益粵省吏治民風不堪言喻近有旨從內閣頒發汝接到之日可竭力遵行毋昧一身利害辜負朕之委託敬慎黽勉為之

同日又

奏為覆奏事竊臣前奏提臣王紹緒居心誠實辦事敬謹兵民和輯營伍整齊實堪勝任一摺奉到硃批茲於本年十月初二日提臣王紹緒適因公務來省臣即遵照猶覺過軟之

諭旨旁引曲喻再三勉勵王紹緒大有會悟領畧之意  
且以從此悔過務必痛自改易嚴察將弁整飭營  
伍為答臣又細看其詞色密訪其行事見伊感激  
以朕觀之恐未必然似仍不要協再加訪詢奏聞  
天恩實心圖報之意十分激切臣謹據實密

奏至於原任瓊州鎮臣施廷專尚未到左翼新任容  
俟其到日臣即遵

旨就近訪察秉公奏

聞外其新調瓊州原任左翼鎮臣李順於奉

旨調任以後臣因公接見三次看其為人忠誠無偽據  
李順係於雍正三年到粵之人何云在粵二十餘載  
云在粵二十餘載地方事宜皆已深悉聽其議論

識見實覺老成歷練仰見

聖明鑑別絲毫不爽隨材器使人地相宜今李順已於  
十月初六日起程赴瓊俟其到任之後臣再行密  
訪如果言行相符臣即據實奏

聞謹

奏



覽

同日又

奏為請

旨添設學政一官端士習以育人材正民心以厚風俗  
事竊照粵東僻居嶺外距京甚遠內有八排狼狽  
外有黎人雜處是以風俗人情皆與內地少異好  
勇鬪狠剽掠刦奪習以為常恬不知怪臣思士為  
四民之首士習果端則小民觀感興起咸知崇尚

廉恥不肯流於污下是以

國家特設教職以司訓迪又設學政歲科考校以正文風并考察教職以分勤惰乃今年已酉科鄉試臣於文武兩闈見各府州縣送試教官其中年力富强辦事勤敏者固有之而年邁有疾衰弱罷軟者亦頗不少除將察出不稱各員發交布政使令其覆驗明確分別詳請咨斥勒休外伏查教職雖微而平日陶鎔士子砥礪廉隅其責實為綦重則

稽查考核較之佐雜等官更宜嚴密無如督撫藩臬各有地方重務不能時刻察訪而學臣考試按臨亦止匆匆一看其甄別賢否難免遺漏此輩庸劣教官不過苟且因循豈能振興督課作養人才甚至不肖之員或貪小惠或圖串結猫鼠同眠絕無顧忌以致生監人等踰閑敗檢多不可問平日如此一旦身登仕籍又安望其竭忠報效耶士習如斯欲求民風敦樸習尚淳良更不可得矣臣愚

以為欲嚴教職端士習惟有仰懇

皇上於廣東學政

殊堪博一大笑之見可惜以上一派是極議論閱至此

欽點滿漢兩員一則專司歲科考校一則周行各府稽

語尚有可批諭耶

察教職士子如果教職皆能實心任事則士習可

端民風漸厚矣此臣愚見所及是否可行未敢遽

設或具疏題奏則天下人傳為話柄矣

為具疏謹繕摺具

奏伏乞

皇上睿鑒批示遵行謹

奏

覽奏不禁發笑實屬可憐之封疆大吏也

雍正七年十二月二十七日署理廣東巡撫印務

臣傅泰謹

奏為奏

聞事竊照粵東晚禾豐收分數經臣具

奏在案今時屆隆冬誠恐販戶搬運富戶囤積是以  
時刻留心稽查禁止茲據布政使開報各屬因豐

收之後米價日減通省十府二州米價每石自六錢一二分至四錢六七分不等等因前來伏查粵東濱海之地人稠糧少從前屢以不敷民食為慮今米價如此之賤實屬數十年來所未有者是以南番二縣素稱多盜今歲並無刦案申報山無伏莽海宇昇平民安耕鑿商賈雲集此皆

皇上至德覃敷

洪恩普被方獲此時和歲稔熙皞成風之盛臣惟有與

文武各官愈加警惕益切敬謹以期永荷

鴻庥於弗替所有粵省現在康阜寧謐情形理合繕摺

奏

聞謹

奏

年歲豐登盜賊自少此從來情理之常但感召

天慈屢賜雨暘時若之應則全在汝等竭力以公誠勤敬  
自勉也

同日又

奏為奏

聞命盜案件仰祈

睿鑒事竊照粵東山海交錯姦匪混雜民風刁悍是以  
命盜案件較多於他省臣於本年四月間回

奏副都統臣吳如譯條奏案內查明從前據報強竊  
盜案已叅疎防未叅疎防者共有五百六十餘起  
從前據報命案共有三百一十餘起自臣於上年



九月到任至今據報盜案七十餘起已叅疎防者五十餘起未叅疎防者一十餘起內已經獲賊者四十餘起未獲賊者二十餘起現在嚴加督緝不使縱逸又據報竊案三十餘起向例原不題叅疎防止應獲賊審明分別

題咨完結至於臣任內審明

題咨過強竊盜案總計新舊共有一百一十餘起審明完結過強竊盜案總計新舊共有三十餘起其

餘現在查催按限審

題又臣到任後據報命案共四百六十餘起內謀故  
鬪毆等案居十之三四自盡命案居十之五六至  
於臣任內審明

題咨過謀故等命案總計新舊共有七十餘起審明  
自盡及情有可原屍親願息完結等命案總計新  
舊共有二百七十餘起其餘現在查催按限分別  
題結此係臣莅任一年有餘已經辦理之數謹逐一

開明具摺恭

奏至廣州府屬南番二縣盜案又多於他縣因去年  
至今田禾豐熟米價日平是以南海止有盜案二  
件番禺止有盜案六件現今地方安寧小民樂業  
理合一併奏

聞謹

奏

緝盜固屬寧靜地方之急務而察拏匪類尤為要著莫

以其無被害呈控而遂慢忽視之偶有聞見率委之曰  
瘋狂無憑或藉詞不肯拖累滋擾及胸中預橫何苦多  
事之念以致往往養姦遺患類汝庸常之流不審輕重  
不為國家慮久遠之謀每存此等意見者居多切勿踵  
循陋習自取玷溺之咎留意勉為之

同日又

奏為奏

聞事竊照粵東廣州府屬之南海番禺東莞順德新會

三水清遠花縣肇慶府屬之高要高明四會等縣沿河地方俱築有圍基以保護田廬雖歷來俱有修防之例不過憑圩總圩甲按田出夫隨坍隨築聊以塞責自前督臣孔毓珣

題請責令廣南韶連道肇高廉羅道管理并將最要之南海三水高要三縣縣丞加銜水利專司圍基雖董理有員無慮遲悞而預辦物料及工役飯食費無所出倘遇報險恐一時莫濟查沿河各州縣

有魚笏鴨埠等項租銀向來或為神廟香燈祭祀之用者有之或為紳衿豪棍占取者有之臣思以地方之所出即辦地方之公務似有裨益臣現在

逐一清查除查明果係契買世業之外其餘悉令解繳藩庫未免該地官民致生猜疑何不即存留於本縣耶汝等再加詳酌為之聞伏乞

皇上睿鑒謹

奏

覽

同日又

奏為恭繳

御批事竊臣前與督臣郝玉麟會奏惠州府河源縣瑞穀叢生一摺奉到

硃批伏念臣隨侍

禁廷時聆

皇上至誠格

天之訓諭時見

皇上下大公為治之

為一身利害計患得患失之敬謹無益也如此以為敬  
聖心謹記五中時圖勉效雖才識自愧愚陋而謹敬之

謹不但不能上邀

念不敢一刻少弛今欽奉

天佑或恐反遭譴責公私二字分析不明不肯竭力致身

硃批臣惟有愈加寅畏黽勉吏治以期上迓

任勞任怨徒以畏首畏尾之心自謂敬謹居之不疑則  
天庥并會同督臣再行出示曉諭勸令多方蓄儲加意搏

大誤矣

節外所有奉到

御批理合恭繳又臣與督臣郝玉麟會奏韶州府知府



陳鴻熙報丁父憂懇祈

恩准留任守制一摺奉到

硃批隨行令陳鴻熙於封印後赴省將

聖旨宣示俟其作何回奏再行覆

奏外伏查臣等因陳鴻熙年力富强辦事敏練是以  
懇

恩將伊留任臣自當不時訓誡勉其殫力居官敬謹辦  
事如敢盈滿狂妄怠玩忽畧即據實糾叅斷不敢

因

題留在先少存瞻顧也所有奉到

御批先行恭繳謹

奏

忽爾保留忽爾糾叅言何太易陳鴻熙若無甚大咎不  
過少年習氣小疵加之誠訓俾令悛改斯可矣豈可因  
言語少不檢點遂將一幹員即行叅處是何理耶似此  
逐處依違迎合毫無定見又兼平時以聾瞽而尸位封

疆奈何奈何

同日又

奏為奏繳

御批事竊臣前奏向糧驛道陶正中等宣過

聞陶正中一味因循柔善邀譽沽名若不力行悛改具

諭旨一摺奉到

疏嚴叅以憑重懲將此旨傳諭伊知之

硃批伏念臣智識短淺所見恒多未當今蒙

聖明逐一指示臣惟有敬謹銘心奉以為法不敢但據

外貌不敢預橫主見并欽遵

聖示明試暗訪務得實在人材之優劣密行奏

聞又臣奏廣惠潮三府沿海漁船委惠潮道劉運鮒清

查點丈一摺奉到

硃批伏念劉運鮒於清查一事誠如

聖諭未能膺此委任是以先據造到各冊臣已逐條逐  
似此不得其人而欲強辦若斯難事不知汝具何等肺  
腑也船將其查丈忽畧之處用簽貼明駁令復行再查  
朕常有言辦事若不得人寧緩以待不可用違其  
尚未覆到原擬另委同知通判等員協同劉運鮒  
才設勉強行之往往極好極是之舉反被庸材劣員顛  
辦理緣目下各府丞倅或經委署或經出差無可

倒重輕委任惟紛擾不但無益而有害也所以汝等大使

不能識人則不能用人不能訓人即不能服人無怪乎  
旨命往試用各員到日臣當撥派二三員協同劉運每貽溺職之誚也  
細查俟查清之日再行覆

奏又臣回奏海關新充書辦繳有花紅銀兩一摺奉  
到

硃批伏念臣因識見卑鄙是以於花紅銀兩一項未經  
革除自欽奉

訓諭之後臣日切悚惕愧悔痛自咎責今復奉

批諭惟有益加敬勉凜遵務本切戒逐末嗣後凡有可  
以歸公之項無論多寡務必恪遵

聖諭預先請

旨再行收取斷不敢絲毫隱匿自干重譴也所有奉到  
御批合併恭繳謹

奏

撫臣膺封疆重任凡關國計皆宜留心聞汝於關稅事  
務毫不協助膜外視之向來地方官掣肘刁難監督之

陋習朕耳聞目睹四十餘年矣今汝若仍蹈前轍倘致  
祖秉圭有招怨悞課愆尤伊之升沉榮辱尚在未定傳  
泰則必不撫粵矣秉公慎為之私賜少有洗滌不淨究  
為一身之累體驗自知向後凡接奉此等訓諭皆密令  
王士俊同看

同日又

奏為密奏事竊本年十二月初九日據肇慶府屬之  
署恩平縣事姚孔鉉報稱會同該汛千總邱尚忠

巡查姦匪至土瓜蒴村見該村人舉止慌張遂拏  
獲六犯搜出令旗九面內四幅寫楚震公字樣一  
幅寫羅平字樣黃綾偽劄九張內五張填有劉國  
敬李昆玉梁高陞藍登其吳建晃姓名白綾偽劄  
四張內二張填李士貴朱榮姓名現在審究搜拏  
等情并聞督臣郝玉麟已經遣撥官兵前往臣即  
委標員帶領弁兵由三水新會等縣二路分頭前  
去令其協同各該處文武密探踪跡聚集何處立



即圍擒母使免脫并密移提鎮嚴行附近各府州  
縣協營堵截搜捕去後十二日據春江協副將陳  
顯報稱風聞恩平地方有姦匪萌動隨差兵丁陳  
韜誘出溫亞七一名投首供出頭子李六軍師李  
先生約定十二月初二日搶恩平再搶陽江等語  
臣又飛行各文武分飭查拏布政使王士俊等亦  
各遣人前往密探督緝隨陸續據報在恩平新會  
陽春陽江東安等縣拏獲羽黨梁子賓等共五十

四名經督臣提解至肇發府究審臣亦委南海縣

赴肇公同審訊各供俱稱係李梅即李先生與為

首陳京幹做旗做劄分散各省騙人錢財并稱聚

集兵馬等語臣初疑此案匪類既有偽劄必有為

首之人聚集之地今細按各供參差不一彼此互

異始以陽江掘銀哄動鄉愚繼又分散偽劄倏稱

大兵將至倏稱瘟疫流傳甚至有鬼兵之說似屬

捏造訛言驚恐男婦其以劄賣銀又係圖騙錢財

且皆稱出自李梅之口則此案之根源底裏必須  
獲到李梅與各犯嚴加質訊究出同夥確數果否  
另有首犯方可定其虛實輕重又據布政使王士  
俊遣人密往四處查訪所稱李梅者從前曾充東  
安縣兵房書辦犯事革退毫無技能各路亦並無  
絲毫蹤跡動靜現在仍行加意查訪一有確據即  
行飛報等語現經督臣將犯發交布按二司會同  
嚴訊俟押解來省如有的確實情另行密

奏外至供內李九葵自交趾帶兵來廣及文姓自陝  
招兵到廣并山西陝西福建廣西俱有散劄及李  
九葵朱三太子現在交趾之處似屬誕妄或係李  
梅混行捏造騙惑愚民亦未可知但既有此供何  
敢忽視臣現在備錄各供遵奉十月內

上諭繕寫密札加以印信知會隣省督撫密查防範并  
遴選妥人前往交趾密訪并行各交界文武官嚴  
加稽查毋許疎忽臣謹據實繕摺先行密

奏至各縣去省稍遠臣得信畧遲是以

奏報少緩合併聲明伏乞

睿鑒謹

奏

此事業據郝玉麟奏聞矣若不設法將李梅擒獲到案  
斷然不可

雍正八年三月十七日署理廣東巡撫印務臣傅

泰謹

奏為奏

聞事竊照粵東今歲入春以後晴雨及時田疇霑足菜  
麥等項無不茂盛至於高低田畝禾苗俱已栽插  
臣因公赴順德等縣沿途親見田苗滋長一望青  
蔥老幼婦子皆勤耒耜茅簷蔀屋熙皞成風至於  
各屬雨暘現皆得宜海濱山陬俱極寧靜理合據  
實奏

聞伏乞

皇上睿鑒謹

奏

覽雨水禾苗情形朕懷深慰然必待秋成後方敢言豐熟也惟克誠克敬順理處事以靜俟

上天垂佑可耳

同日又

奏為奏繳

御批事本年二月初八日齋摺家人回署臣恭設香案

望

闕叩頭開看臣謹遵

旨將欽奉

硃批逐一登答另摺彙

奏外理合將奉到

御批原摺一併恭繳為此謹

奏

覽



亦不可將一片心神專用於登答批諭之間而致忽慢  
廢弛職守也塞楞額前在東省日夜惟以料理摺奏為  
務是乃汝之鑑戒諸凡慎為之審其輕重而為之

同日又

奏為欽奉

上諭事本年正月十五日新補惠州協副將繆宏到粵  
宣傳

上諭聞得雍正二年間有四人鷄鞋棕帽口稱王府差

人前往廣東公幹一路氣勢甚雄相貌亦兇惡此非  
安分之人恐到廣東布散流言愚民無知被其鼓惑  
大為人心風俗之患爾傳旨與督撫著用心密訪此  
項人或尚在廣東若稍有蹤跡斷宜及早根究如會  
靜張熙之流言乃出於發遣廣西人犯之口幸而發  
覺早所以不難追問造言之人但亦不必招搖只宜  
留心暗訪聞得廣東火耗米折俱重誠恐不便於民  
朕御極以來宵旰憂勤無刻不以民生為念即用人

行政亦惟期有益於民生至維正之供不得不取之於民其火耗一切亦當定為畫一之制庶無累於民間若一任有司輕重必有重耗殃民者甚非朕愛養元元至意又聞沿海窮民以漁為生每出海捕魚俱於鹽埠領票名曰干票回水納銀名曰幫餉相習已久皆出情願今聞鹽埠欲避干票之名令漁船實在領鹽出口按船計數希圖多銷恐不便於窮民為督撫者此等處當細心體查務得其平使民生樂業庶

不辜朕之任用一省事務全賴督撫必公忠體國同心共濟方於地方有益且一省事歸一轍朕亦好辦理若各存意見將一省事分為兩途朕從何辦理如孔毓珣楊文乾當時兩人雖無叅奏形跡各人意見不同朕所以一同調來引見當引見時朕曉以大義反復開導彼二人亦感激流涕誓願和衷辦事回任後聞伊等果然交往似乎相和邊海重地督撫相和是以朕心稍安不意楊文乾纔故孔毓珣盡變其所

為當時楊文乾所行若非伊身為總督豈不能救正  
於生前若楊文乾所行皆是又豈可更變於死後若  
人在即順之是以國事作人情可乎朕因此鄙薄其  
為人前日孔毓珣引見時朕面斥其非伊惟有叩首  
認罪而已是伊一生名節俱敗於此爾傳旨督撫各  
存公忠為國之心公則無有不和即意見或稍有不  
同必不致迴別要知所辦者國事當以國事為重自  
然合而為一國以民為本凡有便於民生者商酌奏

請施行伊等身為大吏當仰體朕心宣揚德意使邊  
海小民盡知尊君親上之義人心淳厚風俗丕變方  
不愧封疆之重寄若悠忽從事必致廢弛豈不辜負  
朕之任用爾將朕旨傳與總督巡撫知之欽此欽遵  
臣即將奉

諭敕查鷄鞋棕帽四人密飭司道府州轉飭各州縣共  
相留心暗訪若得有蹤跡立即具摺密行奏

聞至火耗米折俱重并按船銷鹽等事臣現在將

上諭所指各條明查暗訪若果有不肖州縣踵此積弊  
自當據實糾叅如果查無此弊亦必將各州縣現  
今作何辦理實在情形備細開列會同督臣郝玉  
麟另行具疏覆

奏又奉

上諭一省事務全賴督撫必公忠體國同心共濟方於  
地方有益臣跪聽至此不覺敬畏交至感懼兼深惟  
有時時敬誦刻刻自省欽遵

訓勉以

國事為重與督提藩臬諸臣和同商酌辦理斷不敢  
各存意見將一省之事分為兩途致厯

宸衷也所有奉到

上諭及欽遵緣由理合繕摺覆

奏伏乞

皇上睿鑒謹

奏



繆宏所傳諭旨舛錯處甚多兼之汝信口登答殊無足觀亦無暇改正不過付之一覽而已

同日又

奏為奏

聞事本年正月二十九日准督臣郝玉麟移知奉

旨頒到提臣王紹緒條奏順德新會香山等處移駐官

員改換汛防招民開墾預買桅柁等項原摺四件

又怡親王并前任廣東督臣孔毓珣議覆各摺奉

上諭令臣等會同確議欽此臣思移駐換汛均關緊要  
必將地方情形親身確勘方敢會議是以臣經具  
疏

題明於二月二十一日自省起程先至順德次往香  
山後至新會逐一確勘查順德一縣居省城之西  
南在新會香山虎門之中內海外洋相連逼近而  
且港汊多岐船隻甚衆縣城內外人煙湊集實為  
近省緊要之地海口繁劇之區總兵駐劄於此遙

制新會香山等縣似得居中控馭之道至新會在  
順德之西地方簡於順德其厓門海口並非商船  
出入停泊之處非澳門虎門可比移駐總兵之說  
似未盡善但臣看厓門地方亦甚遼濶即不另設  
營汛亦應多添兵丁以固汛守其香山縣又在兩  
縣之東南城南一百二十餘里為澳門現係西洋  
人居住其交界處建設一閘以分內外關閘之北  
有前山寨有香山協都司守備駐劄防守臣看前

山寨係西洋人及內地之人往來隘口關係緊要  
距縣甚遙似應於此處添設同知通判一員與武  
職協同稽察遇有爭毆偷竊漏稅賭博等事便可  
就近發落而文武互相牽制其巡查亦必倍加謹  
慎至原駐都守二員若添設文職應酌撤一員回  
駐縣城臣既經勘明當與督臣細加斟酌從長會  
議公同具摺覆

奏外所有臣看過三縣地方情形先行奏

聞伏乞

皇上睿鑒謹

奏

既係會奏事件何必多此一番煩瀆

雍正八年四月二十七日署理廣東巡撫印務臣

傅泰謹

奏為欽奉

上諭事本年四月二十日接大學士臣張廷玉來字內

開雍正八年二月二十四日奉

上諭前廣東都司趙璉被叅已降旨交與該撫嚴審究  
擬近聞其中尚別有情由今將朕所聞者另錄一單  
可即寄與傅泰黃文煒秉公審訊務得實情不可使  
趙璉受屈若朕所聞不確亦即據實陳奏從公審結  
不必回護欽此又抄發另單一紙到臣隨傳到按察  
使黃文煒敬將

上諭密行宣示令其秉公據實審解不得絲毫枉縱伏

查此案先據臣標中軍丁銓生詳稱都司趙璉酒  
後持刀傷兵又據趙璉詳稱巡夜見兵睡卧喝醒  
跑走失跌撞傷各等情今案內原詳之丁銓生若  
不到案對質難成信案但丁銓生已調補欽州營  
遊擊臣現已檄調來省質訊俟審得實情除具疏  
題報仍另繕摺將情由據實覆  
奏外謹將奉到

上諭日期先行

奏明謹

奏

此案務須秉公詳慎究出實情具奏以聞

同日又

奏為奏

聞事竊照臣衙門兼管太平關稅務所收正稅向發藩  
庫彙充兵餉其零星羨餘等項俱係臣衙門自行  
收貯彙齊解部巡撫衙門向無銀庫即於二堂傍



屋設立銀櫃封貯每晚撥值堂巡捕文官一員并  
本標千把總一員值宿防守五日一換輪流更替  
本年四月初四日至初十日輪該巡捕官孫源與  
左營把總劉應元上宿乃初十日早據孫源稟稱  
初九日夜同劉應元至庫上宿今早天明見劉應  
元在伊睡牀檻上自縊身死臣即傳到本標中軍  
遊擊并南海縣知縣喚到劉應元之子本姓馬名  
正禹正鴻驗明委係自縊並無別故其因何自縊

之處訊據馬正禹等供稱伊父因做把總多年今  
遇有千總缺出正當選拔之時伊父手上生瘡不  
能拉弓不得與考功名無由上進且家中母病垂  
危醫藥無資心裏煩悶屢次聞有怨命之言並無  
別故等語隨據伊子領出埋葬并將劉應元縊死  
緣由咨明兵部外理合據實奏

聞伏乞

皇上睿鑒謹

奏

此事未得所以然之情由當詳加體察

雍正八年十月十九日署理廣東巡撫印務臣傅

泰謹

奏為密奏事竊查嶺南向有三大名家號一名屈大  
均號翁山一名陳恭尹號元孝一名梁佩蘭號藥  
亭俱有著作詩文流播已久第以粵撫任內事務  
冗繁臣辦理不暇故未覓其書集看閱及臣近日

敬看

頒到大義覺迷錄內有曾靜之徒張熙供開亦有屈溫  
山集議論與逆書相合等語臣思屈溫山與屈翁  
山字雖有別其音相似隨即購覓書坊竟有屈翁  
山文外詩外文鈔及陳元孝梁藥亭詩集等書查  
梁藥亭詩文詞無悖謬而翁山元孝詩文中多有  
悖逆之詞隱藏抑鬱不平之氣又將前朝稱呼之  
處俱空擡一字惟屈翁山為最陳元孝間亦有之

臣觀覽之際不勝駭愕髮指查屈翁山陳元孝身故至今約有三十餘年雖倖逃法網現有惠來縣學教諭屈明洪係屈翁山之子臣正密與布政使王士俊商酌拘審之法適值屈明洪於十月十六日到省前往布政司繳印又往廣州府投監據供伊父屈翁山向犯滔天大罪著作悖逆文詞止因父死時年幼無知存留詩文及刊板在家未曾察閱今任教諭奉到

頒賜大義覺迷錄宣讀之際知有屈溫山姓名與父翁  
山聲音彷彿隨檢查伊父所著詩文始知伊父亂  
紀悖常竟親自投首投監請正典刑等語據布政  
使密報前來臣即行令布按二司嚴加究審至於  
陳元孝之子孫屈明洪諒必得知臣隨飭勒令供  
出一并拘拏究審擬議

題報請

旨外所有查出逆書緣由理合據實密

奏伏乞

皇上睿鑒施行謹


奏

殊屬糊塗煩瀆不明事體之至



硃批諭旨卷二十七下





總校官庶吉士臣侍朝

校對官編修臣馬啟泰

謄錄監生臣孫大森